

Zeitschrift: Nebelspalter : das Humor- und Satire-Magazin
Band: 89 (1963)
Heft: 22

Rubrik: [Elsa von Grindelstein] : Egon!

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)


Download PDF: 14.05.2025

ETH-Bibliothek Zürich, E-Periodica, <https://www.e-periodica.ch>

D Ehredame

E aber au! I darfs jetz sicher verzelle, denn s Ganzi lit scho über fufzig Johr zrugg. I ha in sällene Akte bletteret, wo me vom Turnfescht här fein süferlig uf d Sytte to het. Und do drby isch e zimmelig digge Band gsi, wo mit Rundschrift agschriebe gsi isch «Ehrendamen».

Aber was hets denn do so vill zschrybe gee, wenn me nummen e Dotzed Ehredame bruucht het? Aber gang, sälli Zytt hätt sch ehn der e Dotzed Manne mit rote Schnäuz im Dorf bynenander gha, as ebe so vill Meitli. Scho in de Sitzige vom Empfangskomitee het das Traktandum «Ehrendamen» wuchelang zbrichte gee. Wäär sell me neh und wär nit? Wär gseht guet us und wär macht keini Stämpe neije, wenn sie sett im ene Chranzturner s Schmützli ummegee? Und eso si no andri Froogen uf s Tapeet cho. Jä s het sogar e Rüggritt im Komitee abgesetzt, wo im Gemeinschryber sy einzigi Tochter (sie isch wüescht gsi wie d Nacht!) in dr gheimen Abstimmig nit als Ehredame gwehlt worden isch. Potz, het ene dä Schryber dr Bättel anegheit!



Egon!

Noch will er mir nicht aus dem Sinn, obschon ich nicht mehr Mädchen bin, nienimmermehr kann ich vergessen wie wir am Waldessaum gesessen, wie er mich mit dem Arm umfing und ich an seinen Lippen hing als wären wir im Ehestand. Die Liebe war's die uns verband, die Liebe die kein Ende nahm bis Egon plötzlich nicht mehr kam.

Elsa von Grindelstein

In nächster Nummer:

«Heldentod im Wildwester»

Item, denn hei sie ändlig zwölf so Jumpfere bynenand gha. Jo, sie heis wenigstens gmeint. Wo sie aber jedere gschrybe gha hei, sie zelli zu de zwölf Glüggli, si die erschte Brief zrugg cho. Wär die andre Elf sige, hei die meischte welle wüsse. Und s Schimmeli buuren Elsi het enes grad zum vor-

uss gseit, äs ließ sich öbbe nit vom ene Turner abschläge – jo, es standi während dr Feschtreed scho näben e Regierigsroot, aber vo de Turner wells denn nüt wüsse. Und s Schärmuusers Hedi (e verflixt nätt Chröttli!) het ene zwüsse to, mit s Orgalichte Trudi, däm Huehn, well äs weder uf dr Bühni

stoh no im Feschtzug mit em laufe – «nei, danggschön für Obscht!» heigs gseit.

Und eso isch das wytters gange, bis das Dotzed ändlig bynenander gsi isch. Aber ohä lätz! Die Manne vom Komitee hei nit mit em Plunder, mit de Chleider grächnet. Isch ein vo dene Knüssen uf die verruggti Idee cho, d Ehrejumpfere sette wyßi Rögg träge, wo öbbe fufzäh Santimeter ab Bode were. Im ene Teil vo de Meitli hätti das no paßt. Aber denn isch dr Fraueverein uf das Komitee los wie nummen öbbis. Und wieder het me sich dr Mehrheit müesse füege: Rögg bis an Boden abe, ke Schueh, nüt vo de Bei sell me gseh! Eso ischs denn gmacht worde...

Item, s Fesch ist cho und alles isch gange wie am Schnüerli. Nummen an den Ehredame het me ke guete Fade gloo: Was das für Düpfisige, wo sie do usgläse heige? Die einti tüeg schiele, die andri mache Buggeli, die dritti heig Wärzen im Gsicht. Und eso ischs wytters gange!

Ein vo dene Manne, wo sälmool no drby gsi isch, het mer emol gseit: «Lieber im ene Heustogg zwölf Guufe (Nadeln) suechen as im ene Dorf e Dotzend Ehredame, wo allne passe!» KL



«Nein danke - ich rauche nicht mehr. Bin mühelos Nichtraucher geworden.»

NICOSOLVENS

Nikotin-Entgiftungskur
in 3 Tagen

Aufklärende Schriften durch Medicalia, CASIMA, (Tessin)

Ein paar Flaschen dieses
«eingefangenen Sonnenscheins»
gehören einfach in jeden
guten Keller!



seit über 100 Jahren
KINDSCHI SÖHNE AG DAVOS
Veltlinerwein-Kellerei